

Der safft von Drüßwurz/ mit einem tüchlein auff die Beulen hinder den Ohren gelegt/ heilet die.

Spitzen Wegrich safft darauff gelegt/ als ein Pflaster/ vertreibt die Beulen.

### So einem Menschen die Ohren sausen oder singen.

Mäußohrsafft in die Ohren gethan/ vertreibt das sausen darinnen.

Bitter Mandelöl warm in die Ohren gerreufft/ benimbt ihnen das sausen.

Balsamöl in die Ohren gethan/ vertreibt das Sausen darinn.

Natterwurz safft warm in die Ohren gethan/ benimpt das Sausen.

Bocksharn warm in die Ohren gelassen/ benimpt das Sausen.

Schwarz Nieswurz in Essig gesotten/ vnd in die Ohren gethan/ vertreibt das Sausen.

Münzensafft mit Honig vermischet/ vnd in die Ohren gethan/ benimpt das Sausen.

Weyß Weyrauch mit süßem Wein gemischet/ vnd in die Ohren gethan/ benimpt das Sausen.

### Cap. vi. Zu der Nasen.

So ein Mensch ein Geschwär/ oder übriges fleisch/ Polypus genant/ in der Nasen hat.

**E**s begibt sich offte daß in der Nasen Geschwär oder fleisch wächset welches sehr stündet/ vnd nit leichtlich hinweg zutreiben ist/ hanger erwan für die Nasen her auß/ so nimbt ein zänglin/ vñ zuecht das Gewächs herfür/ vñ schneid es mit einem scharpfen Messer ab/ darnach thue die Salb darein/ Nimb Eisenschaum oder Zinter 4. quintlin/ Kupfferwasser/ Orünß



## Von allerhand Arzneyen/

Grünspan/schwarz Vießwurz/ jedes ein Quintlein/  
Reinberger schmalz/ daß sein genug sey/ das mach zu  
einer Salb/vnd legs ein.

Nimb Aloe Spaticum /runde Holwurz jedes ein  
loth/vngelöschten Kalk/vnd ein halb loth gebranten  
Dillen/ das stoß rein vnd mische es mit Honig/vnd  
sende ein wenig/vnd legs mit feßlin in die Nasen.

Nimb zehen Loth Rosenöl/zehen loth Wachs/vnd  
den safft von Judenkirschen/8.loth/Bleyweiß/4.loth/  
gebrandt Bley 2.loth/Tutian 2.loth/Weyrauch ein  
loth/darauß mach ein Salb vnd brauchts.

Item/stoß einem ein stück/ein Entian in die Nasen/  
vnd laß übernacht stecken/so macht es weit/darnach  
thu diß Salblein darein/das heilet es. Nimb Schölz  
wurzsafft 4. Loth/Species gemme/Mastix/weissen  
Weyrauch jedes ein loth/Baumöl/daß sein genug sey/  
das send ein wenig mit einander/darnach legs in die  
Nasen/es heilet es gar bald.

Antimomum gemischt mit Apostolicon/vnd zäpf-  
lein darauß gemacht/vnd in die Nasen gethan/heilet  
das Geschwür Polypus genant.

Nimb Cypressen Nasß/vnd stoß sie gar klein zu pul-  
ver/vnd misch mit Feygen/vnd thu es in die Nasen/  
es heilet Polypum.

Gebrant Erz gemischt mit Orictotium/vnd in die  
Nasen gemacht/heylet Polypum.

Erdäpfel gepulvert/vnd in die Nasen gethan/heilet  
Polypum.

## So einem Menschen die Nasen faß bluten.

Ist der fluß des bluts vom Haupt/ oder der Leber/  
so schlag ihm die Hauptader/oder Leberader/vnd leg  
leg über kalte Pflaster/oder Tücher in Essig genezt/  
vnd über die Stirn/Leber vnd die Gemächte gelegt.

Item/henck dem Menschen an Salz Nesselwurzeln/  
vnd



vnd Rauttenwurz/rein gewäsch/en/so verſtehet es von ſtund an.

Zolderblätter geſtoſſen/vnd in die Nafen geblaſen/ verſtelt das Blut eilends.

Cypreſſenäpfel/ oder Mänzengeſchmack mit Eſſig verſtelt das bluten der Nafen.

Item/bluter einem das rechte Naßloch/ſo laß ihm auff der rechten Hand die Leberader/ bey dem kleinen Finger/iſt es aber auff der lincen Seiten/ſo laß ihm auff der Lincen/ vnd die Blinzader/ bey dem kleinen Finger.

Wo aber das nit helfen wolt/ſo nimb ein End oder Selbeid von ein Tuch/vnd bind ihm die Arm auff der Mauß oberhalb dem Ellenbogen / vnd bind ſie hart an beyden Armen/ vnd thu es ihm über ein weil auff/ vnd binds wider zu/das thu ſo lang biß es verſtehet/ vnd bind ihn nicht härter / dann als man einen bindet/dem man Laſſen will/darnach gib ihm zu trincken diß nachgeſchrieben Waſſer.

Nimb das gelb Sämlein in den rothen Roſen/ ein ſoch/Trachenblut/Terra Sigillata/Bolus Armenius jedes ein Quintlin / das mach zu einem Pulver/ vnd miſch das mit einem weißen eines Eyes/ vnd mach Zäpflein mit Baumwoll/ vnd ſtoß ſie in die Nafen/ oder Haſenhaar.

Nimb Neſpolen Laub mit Wegerich ſamen / vnd Brauellen/das ſtoß in die Nafen.

Nimb Dannenköner/vnd pulvers/miſch mit Eyers weiß/vnd thu es in die Nafen/ſo ſtehet es.

Nimb Täſchenkraut/vnd thu es in die Nafen/vnd binde das Kraut auff die Hand/ auff das Geäder/das Bluten verſtehet.

Du magſt ihm ſein Gemächt henden in Eſſig/oder in Kalt Waſſer/ vnd leg ihm ein Tuch vmb den Hals genezt im Waſſer.

Nimb weiße Züſlein/vñ leg die in ein kalts Waſſer/  
das



### Von allerhand Arhney/

daß sie kalt werden/ darnach führe den Krancken in ein Keller/ vnd zueh ihn nackent auß/ vnd bluret ihm das rechte Nasloch/ so leg ihm ein stein auff die rechte seit/ auff die Leber/ oder auff die lincke/ bluret ihm das lincke Nasloch/ schlag ihm Tuch über die Stirn/ in Essig genezt.

Neatia gemischt mit Weggrass safft/ vnd in die Nasen gerhan.

Corander gebeißt in Essig/ vnd Weggrass safft/ ist gut für das bluten der Nasen.

Blutstein in die Hand genommen/ verstellt das Blut.

Gallöpfel mit Tesehenkraut Safft oder Weggrass gemischt vnd in die Nasen gerhan.

Nimma gemischer mit Wein/ vnd den getruncken/ verstellt das bluten der Nasen.

Weyrauch/ Gallöpfel/ gemischt mit Lauchsafft/ vnd in die Nasen gerhan/ versteller das bluten.

Weidenblättrer Pulver getruncken mit Essig/ verstellt das bluten der Nasen.

### Cap. vii. Zu dem Mund.

So ein Mensch seer ist/ oder Blattern hat in dem Mund/ oder ein zerspaltten Leffzen.

**D**ie schärpff ihm sänffrig mit Rosenöl / oder Utolöl/ darnach heile es mit der weissen Salb von Bleyweiß vnd Rosenöl gemacht.

Item/ ein gut pflaster zu heilen die späle der Leffzen. Nimb Terpentin / Honig / Mastix / Isop/ humide / jedes gleich viel / mach ein Pflaster darauß/ vnd legs über.

Item ein anders/ Nimb Gallöpfel/ Bleyweiß/ jedes des 2. Loth/ Dragantum/ Kraffmäl/ jedes ein Loth/ das temperier mit Zennenschmaltz/ vnd brauchts.

So die spält hitzig vnd schärpff sind/ vñ sehr schwer-

ren/